

TABULA 126.

HEMEROCALLIS COERULEA.

HEXANDRIA MONOGYNIA.

CHAR: ESSENT: *Cor.* campanulata: tubo cylindrico. *Stamina* declinata.

HEMEROCALLIS *Coerulea*: foliis ovatis, acuminatis, bracteis membranaceis brevibus, limbo Corollis campanulato. *Ventenat jardin de la Malmaison*, 3 Livraison 18. *Hemerocallis* *β.* *coerulea*, foliis cordatis petiolatis, corollis *coeruleis*. *Andrews reposit. bot. tab. 6. Linn. Sp. pl. Tom. 2. p. 198. ed. Willdenow.*

*Habitat in China. Stirps herbacea, late vegetans.*

RADIX multifibrosa: fibrillis crassiusculis, cinereis.

FOLIA radicalia patentia, petiolata, pora petiolum elongata, ovata, acuminata, pluribus nervis longitudinalibus striata, venisque parallelis percursa: supra obscure viridia, subtus late viridia, lucida: quinque uncias longa, duo et dimidiam lata.

PETIOLI lata basi radicis apicem amplectantes, seu inferiorem scapi portionem suberecti excurrentes, ad margines laterales dilatati: convexi uno latere, et altero canaliculati; foliis multo longiores.

SCAPUS e centro foliorum radicalium adsurgens, rectus, Cylindricus, bracteis obscure viridibus obvallatus, duo pedes cum dimidio longus, cygni pennam crassus.

BRACTEÆ alternæ, rectæ, ovales, acuminatæ, membranacæ, concavæ, fere per paria plicatæ: inferiores distantes, longæ unciam et ultra: superiores magis approximatae, dimidium breviores.

FLORES e scapi summitate et ex bractearum axillis provenientes, solitarii, pedunculati, in Corymbum simplicem et laxum aggregati, horizontales, demum nutantes, violaceo cærulescentes duas uncias et ultra longi, et unam lati.

PEDICELLI horizontaliter patentés deinde reflexi, Cylindrici, obscuro violacei, bracteis paullo breviores.

COROLLA tubulosa, a medietate inferiori usque ad marginem superiorem ampliata, sive ad limbum usque striatum, ante marcescentiam reflexum. *Tubus* Cylindricus pediculo duplo longior. *Limbus* campanulatus, tubi longitudine, sexpartitus: laciniis ovatis, lanceolatis, acutis, apice tuberculo pubescenti, ante anthesin approximatis et unitis.

STAMINA filamenta sex, tubi basi inserta, longitudine corollæ, ejusdem laciniis approximata, iisque tecta, declinata, apice cylindrica, albida. *Anthere* incumbentes lineares, polline luteo-aureo prædite.

PISTILLUM germen superum, liberum, cylindricum, sex sulcatum. *Stylus* longitudine forma et colore filamentorum, iisque longior. *Stigma* trilobum.